



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1721. usque ad annum 1724

**Fleury, Claude**

**August. Vind. [u.a.], 1783**

**VD18 90119304**

§. 35. Protestantium querelæ contra Electoris Palatini edictum.

---

[urn:nbn:de:hbz:466:1-67596](https://nbn-resolving.org/urn:nbn:de:hbz:466:1-67596)

Sæc. XVIII. „nostra subscriptas, & sigilli Nostri  
 A. C. 1721. „Electoralis appensione munitas dedi-  
 „mus. Manheimii die 25. Novembris  
 „MDCCXX.

CAROLUS PHILIPPUS,  
 Elector Palatinus.

§. XXXV.

*Protestantium querelæ contra hoc Elec-  
 toris Palatini edictum.*

*Kern Chron.*  
*pag. 45.*

Pupugit Ratisbonenses Protestantium  
 Principum Legatos præfatum Pa-  
 latini Electoris edictum, quapropter ha-  
 bita consultatione die vigesima secunda  
 Januarii Cæsari exponerent, hoc e-  
 dicto contra Pacem Westphalicam Pro-  
 testantes subditos in suæ Religionis li-  
 bertate turbari, eoquod eis vel apud  
 Cæsarem vel supremas Imperii Curias  
 scriptotenus suas querelas deferre,  
 opem & patrocinium quærere, inter-  
 diceretur, Imperatoris etiam sicut &  
 ceterorum Principum utpote compa-  
 ciscentium potestati injuriam fieri, eo-  
 quod suum officium, quo juxta secun-  
 dum Capitulationis articulum Religio-  
 nis oppressionem præcavere & pacis  
 leges contra quemcunque tueri tenen-  
 tur, exequi præpedirentur, si interdicto  
 literarum commercio ne minima. n. qui-  
 dem



Sæc. XVIII.  
A. C. 1721.

dem notitiam de ejusmodi oppressio-  
 bus habere possent; aliunde vero Ca-  
 tholicos contra pacem Westphalicam  
 & Rysvicensem, ad invehendam suam  
 religionem exterorum Principum opem  
 implorasse, & nuperrime Moguntinum  
 Electorem armata manu in alienis ter-  
 ritoriis in caussa Bipontina Catholicos  
 juvisse &c. Eapropter præfatus Re-  
 chius die quarta Januarii denuo ab  
 Electore petebat, ut I. Calviniano-  
 Ecclesiasticum Consilium Heidelbergæ  
 remaneret. II. Pastor Ebenriedanus  
 suæ Parochiæ & redditibus redderetur.  
 III. Omnes in religione novitates West-  
 phalicæ Paci adversantes juxta Baden-  
 sem pacem abolerentur. Verum Ele-  
 ctor I. respondit, necesse esse, ut præ-  
 fatum Consilium ibi subsisteret, ubi  
 durante gravaminum discussione Prin-  
 cept territorialis, aliaque tribunalia  
 forent, nec æquum esse, ut Principi suo  
 subditi leges præscriberent. II. Litem  
 cum Comite de Wolfstein respicere  
 jurisdictionem territorialem, nec Ele-  
 ctorem hac in re ei cedere posse. III.  
 Circa Religionis controversias Electo-  
 rem etiam in Neoburgensi Ducatu rem  
 in pristinum statum reponere, paratum  
 esse, nec tamen Pastorem restitui posse,  
 nisi publicas preces, prout semper mo-  
 ris fuisset, pro Electore tanquam suo

K 2

Principe



**Sec. XVIII.** Principe territoriali fundere haud ultra  
**A. C. 1721.** renueret, prout ei perperam a praefato

**Comite** prohibitum: ac denique Ele-  
 ctori pergratum fore, si Rechiis Hei-  
 delberga excederet; haud enim toleran-  
 dum, ut cum Palatinis subditis ipse circa  
 Religionis res clandestina foveret con-  
 venticula: Tandem vero Elector die  
 septima Martii decreto suo declaravit,  
 se ad medelam Protestantium veris gra-  
 vaminibus ferendam prouidendum esse, ac  
 novitatum abolitionem Deputatis in-  
 junxisse, nec per Commissionis decre-  
 tum anno priori die duodecima Apri-  
 lis editum aliud intendisse: facta hac  
 declaratione Protestantes Ordines de-  
 nuo sese Conuentibus Imperialibus in-  
 terfuturos statuebant, mox tamen con-  
 tra novum Commissionis decretum die  
 trigesima Junii anno sequenti reclama-  
 runt. Cum autem Imperator die de-  
 cima quarta Februarii gravissimis verbis  
 Protestantibus declarasset, quod gra-  
 vamina ab eis proposita facile aboleri  
 possent, dummodo vicissim Protestan-  
 tes tandem a bellicis consiliis & faede-  
 ribus pro tuenda secta inter se initis  
 abstinere, eoquod jus faederum eis  
 competens nullatenus ad ejusmodi fae-  
 dera extendi posset, aliunde vero nomen  
 Corporis sibi perperam arrogarent, &  
 praetensi ejusmodi Corporis vota com-  
 munita



munia omnino reprobanda forent, nec unquam Imperator permiffurus effet, ut Protestantes jurium Majestaticorum co- exercitium sibi arrogare præsumant. Verum Protestantes rursus die decima quarta Martii ex *communi voto* responderunt, Religionis gravamina ante pacem Badensem exorta, eoquod *in facto* consisterent, per Imperii deputationem tolli non posse, sed executioni esse obnoxia, præcipue circa Palatinam controversiam, eoquod Imperii deputatio tantum vigeat in dubiis & controversis causis, Calvinianæ autem Religionis status in Palatinatu jam per pacem Westphalicam esset stabilitus, & clausula Rysvicensis in Imperio non valeret contra Protestantes. His autem Catholici die trigesima Maij opposuere; Cæsaream deputationem opportuno ad tollenda gravamina remedio per Imperatoris edictum fuisse agnitam, modum exequendi duntaxat extendi posse ad turbida tempora ante pacem Westphalicam, nunc standum esse Cæsareis mandatis, ac prius utriusque Religionis gravamina esse examinanda, circa antiquiora gravamina Imperii Ordinibus salvum esse relinquendum jus reformandi, intacto statu anni decretorii, querelas ad Imperii tribünalia delatas secundum justum & æquum

Sæc. XVIII.  
A. C. 1721.

K 3

æquum



Sæc. XVIII æquum esse decidendas, & novitates  
 A. C. 1721. vel tacito consensu, vel pactis intro-  
 ductas esse conservandas, salvo jure  
 reformandi, Risvicensem clausulam  
 sine Gallorum consensu tollere, Ca-  
 tholicis integrum non esse, pacem vero  
 Ultrajectinam sine Cæsaris ac Imperii  
 consensu fuisse initam, proin eam Pro-  
 testantibus non favere.

## §. XXXVI.

*Viennensis Episcopatus ad Archiepi-  
scopatum evectus.*

*Struv. Corp. Hist. Germ. Period. X. pag. 1538. Lettr. Hist. Oct. 1720. pag. 430. Struv. Corp. Jur. publ. pag. 690. Mascov. diff. de Primat. §. 71.* Jam ante biennium, uti memoravi-  
 mus, Carolus VI. Imperator Vien-  
 nensem Episcopatum ad Archiepisco-  
 patus dignitatem evehi a Clemente XI.  
 Papa petebat: Obstabant tamen Salis-  
 burgensis Archiepiscopus atque Passa-  
 viensis Episcopus; hactenus enim Vien-  
 nensis Episcopus Salisburgensi tanquam  
 suo Metropolitano erat subjectus, jus  
 vero Diæcesanum in terris Austriacis  
 Passaviensi competebat. Ambo igitur  
 pro tuendis suis juribus Romæ ac Vien-  
 næ gravissimas deponebant querelas:  
 nihilominus tamen die decima octava  
 Octobris anno priori Alexander Alban-  
 tum Viennæ agens Pontificis jussu Im-  
 peratori declaravit, quod ipse insuper  
 habita utriusque Præsulis oppositione  
 hanc